



Nanambs n na n wa zīndi, tū yāmb pēgd b tuumā sānda la y kisg b tuumā sānda, la ned ning sēn maana neerā a soab fāag a menga, la ned ning sēn gūdga b tuum wēnsā a soab tūlgame, la yellā yaa ned ning sēn yara, n na n kell n pūge

Yii a Ummu salamat nengē sēn yaa muumin-rāmbā ma wā (Wēnd yard be a yīnga) tū Wēnd Tēn-tuumā (Wēnd pūusg la A tūlgr be a yīnga) a yeelame-: «Nanambs n na n wa zīndi, tū yāmb pēgd b tuumā sānda la y kisg b tuumā sānda, la ned ning sēn maana neerā a soab fāag a menga, la ned ning sēn gūdga b tuum wēnsā a soab tūlgame, la yellā yaa ned ning sēn yara, n na n kell n pūge» , tū b yeele: d kōn n zab ne-ba? La a yeele: «ayoo, b sā n ket n pūusdame bū y ra zab ne-b ye».

[Naşun Şahihon (Gom-sikdem sēn manege)] [A Muslim n togs-a]

Nabiyaamā (Wēnd pūusg la A tūlgr be a yīnga) kōo kibare, tū na-nambs n na n wa lūl tōnd taoore, tū tōnd mi tuum sānda n pēgda; bala b zemsa ne sāri wā sēn saglā, la d kisgd sānda bala b yōsga ne sāri wā, rēnd ned ning sēn kisga yellā ne a sūuri, t'a sā n ka tōe n kūs vēnega, yē soaba paama pōsgr n yi zānuubā la munaafiglemā, la ned ning sēn wa n tōe n kūs-b ne a nugu, maa a zelemde, n sīd kūs-ba, yē soabā tūlgame n yi Wēn-kūsgo la zūnuubā lagengo, la ned ning sēn yara b tuumdā la a pūg-b a pūgē, a halkdame wala bāmb me sēn halkā. Rē poorē, tū b sok Nabiyaamā, (Wēnd pūusg la A tūlgr be a yīnga): d ka na n zab ne nanambs nins sīfa sēn yaa woto wā? T'a gūdg-ba n yeele: ayoo, b sā n ket n yalsd Pūusgā ne yāmb bū y ra zab ne-b ye.

<https://sunnah.global/hadeeth/mos/show/3481>